




JOHN CARTER BROWN
LIBRARY



Vartan Gregorian
EIGHTEENTH-CENTURY
BOOK FUND



14774
D. Lorenzo a d. S. M.
Augusto Commune



14774/
32392

200-
PREM

JOB
18-292

8

Officium S. Ioseph Confessoris.

DIE IV. APRILIS.

IN FESTO

SANCTI ISIDORI

EPISCOPI, ET CONFESSORIS.

DVPLEX SECVNDÆ CLASSIS.

O *Mnia de communi Confessoris, Pontificis præter ea, quæ hic ponuntur propria.*

Ad Magnificat in utrisque Vesperis.

Antiph. O Doctor optime, Ecclesiæ sanctæ lumen B. Isidore, Divinæ legis amator, deprecare pro nobis Filium Dei.

Oratio.

DEus, qui populo tuo æternæ salutis beatum Isidorum ministrum tribuisti: præsta

quæsumus, ut quem Doctorem vitæ habuimus in terris, intercessorem habere mereamur in Coelis. Per Dominum.

In primo Nocturno.

Lectioes. Sapientiam omnium antiquorum. *De communi Doctorum.*

In secundo Nocturno.

Lectio iv.

ISidorus natione Hispanus, Doctor Egregius, ex nova Carthagine Severiano Patre Provinciæ Duce natus, à sanctis

* Epif-

Episcopis Leandro Hispalensi, & Fulgentio Carthaginensi fratribus suis piè & liberaliter educatus, latinis, græcis, hebraicis literis, divinisque, & humanis legibus instructus, omni scientiarum, atque Christianarum virtutum genere præstantissimus evasit. Adhuc Adolescens hæresim Arianam, quæ gentem Gothorum Hispaniæ latissimè dominantem iampridem invaserat, tanta constantia palàm oppugnavit, ut parùm abfuerit, quin ab Hæreticis necaretur. Leandro vità functo, ad Hispalensem Cathedram invitatus quidem, sed urgente imprimis Recaredo Rege, magnoque etiam Cleri, Populique consensu assumitur, eiusque electionem Sanctus Gregorius

Magnus, nedum auctoritate Apostolica confirmasse, sed & electum transmissis de more pallio decorasse, quin etiam suum, & Apostolicæ sedis in universa Hispania Vicarium constituisse perhibetur.

℞. Inveni David servum meum, oleo sancto meo unxi eum. *Manus enim mea auxiliabitur ei.

℥. Nihil proficiet inimicus in eo, & filius iniquitatis non nocebit ei. Manus.

Lectio v.

IN Episcopatu quantum fuerit constans, humilis, patiens, misericors, in Christiana, & Ecclesiastica disciplina instauranda sollicitus, eaque verbo, & scriptis stabilienda indefessus, atque omni demum virtutum ornamento insignitus, nul-

nullius lingua enarrare
sufficeret. Monastici quo-
que instituti per Hispa-
niam Promotor, & Am-
plificator eximius plura
construxit Monasteria;
Collegia itidem ædifica-
vit, ubi studijs sacris, &
lectionibus vacans, plu-
rimos discipulos, qui ad
eum confluebant, erudi-
vit, quos inter sancti Il-
defonsus Toletanus, &
Braulio Cæsaraugusta-
nus Episcopi emicuerunt.
Coacto Hispali Concilio,
Acephalorum hæresim
Hispaniæ iam minitan-
tem acri, & eloquenti
disputatione fregit, atque
contrivit, & tantam apud
omnes sanctitatis, & do-
ctrinæ famam adeptus
est, ut elapso vix ab eius
obitu sextodecimo an-
no, vniversa Toletana
Synodo duorum supra
quingenta Episcopo-

rum plaudente, ipsoque
etiã Sancto Ildefonso
suffragante, Doctor Egre-
gius Catholicæ Ecclesiæ
novissimum decus in sæ-
culorum sine doctissi-
mus, & cum reverentia
nominandus, appellari
meruerit: cumque Sanctus
Braulio non modò Gre-
gorio Magno compara-
verit, sed & erudiendæ
Hispaniæ loco Iacobi
Apostoli cœlitus datum
esse censuerit.

℞. Posui adiutorium su-
per potentem, & exal-
tavi electum de plebe
mea: * Manus enim mea
auxiliabitur ei.

ŷ. Inveni David servum
meum, oleo sancto meo
vnxī eum. Manus.

Lectio vi.

Scripsit Isidorus libros
Etymologiarum, &
de Ecclesiasticis officijs,
aliosque quam plurimos

* 2

Chri-

Christianæ, & Ecclesiasticæ disciplinæ adeò utiles, vt S. Leo Papa IV. ad Episcopos Britannia scribere non dubitaverit, sicut Hieronymi, & Augustini, ita Isidori dicta retinenda esse, vbi contingerit inusitatum negotium, quod per Canones minimè definiri possit. Plures etiam ex eiusdem scriptis sententiæ inter Canonicas Ecclesiæ Leges relatæ conspiciuntur. Præfuit Concilio Toletano IV. omnium Hispaniæ celeberrimo. Denique cum ab Hispania Arianam hæresim eliminasset, morte sua, & Regni vastatione à Saracenorum armis publicè prænunciata, postquam quadraginta circiter annos suam rexisset Ecclesiam, Hispali migravit in Cælum anno sexcentesimo

trigesimo sexto. Eius Corpus inter Leandrum fratrem, & Florentinam Sororem, vt ipse mandaverat, primò conditum, Ferdinandus I. Castellæ, & Legionis Rex ab Eneto Saraceno Hispali dominante magno pretio redemptum Legionem transtulit; & in eius honorem templum ædificatum est, vbi miraculis clarus, magna populi devotione colitur.

℞. Iste est, qui ante Deum magnas virtutes operatus est, & omnis terra doctrina eius repleta est: * Ipse intercedat pro peccatis omnium populorum.

℥. Iste est, qui contempsit vitam mundi, & pervenit ad cœlestia regna. Ipse. Gloria Patri. Ipse.

In tertio Nocturno.

Lectio sancti Evangelij
se-

secundum Matthæum.

Cap. v.

Lectio vij.

IN illo tempore dixit
Jesus Discipulis suis:
Vos estis sal terræ, quod
si sal evanuerit, in quo
saliatur? Ad nihilum va-
let ultra, nisi ut mittatur
foras, & conculcetur ab
hominibus. Et reliqua.

Homilia Sancti Isidori
Episcopi.

*Ex Lib. 2. Officiorum ad
Sanctum Fulgentium.*

cap. 5.

Qui in erudiendis,
atq; instituendis ad
virtutem Populis præ-
rit, necesse est, ut in om-
nibus sanctus sit, & in
nullo reprehensibilis ha-
beatur. Qui enim alium
de peccatis arguit, ipse à
peccato debet esse alie-
nus. Nam qua fronte su-
biectos arguere poterit,
cum illi statim, possit

correctus ingerere, ante
doce te quæ recta sunt?
Primitus quippe semetip-
sum corrigere debet, qui
alios ad bene vivendum
admonere studet, ita ut
in omnibus semetipsum
formam vivendi præ-
beat, cunctosque ad bo-
num opus, & doctrinam,
& opere provocet. Cui
etiam scientia scriptura-
rum necessaria est. Quia si
Episcopus tantum sancta
sit vita, sibi soli prodest,
sic vivens. Porro si & do-
ctrina, & sermone fuerit
eruditus, poterit cæteros
quoque instruere, & do-
cere suos, & adversarios
repercutere, qui nisi refu-
tati fuerint, atque con-
victi, facile possunt sim-
plicium corda percutere.
R. Amavit eum Domi-
nus, & ornavit eum: sto-
lam gloriæ induit eum.
* Et ad portas Paradisi

* 3

co-

coronavit eum.

ꝑ. Induit eum Dominus lorica[m] fidei, & ornavit eum. Et ad.

Lectio viii.

Huius sermo debet esse purus, simplex, apertus, plenus gravitatis, & honestatis, plenus suavitatis, & gratiæ, tractans de mysterio legis, de doctrina fidei, de virtute continentia, de disciplina iustitiæ, vnumquemq; admonens diversa exhortatione, iuxta professionem, morumque qualitatem, scilicet, vt prænoscat, quid, cui, quando, vel quomodo proferat. Cuius præ cæteris speciale officium est, scripturas legere, percurrere Canones, exempla Sanctorum imitari, vigilijs, ieiunijs, orationibus incumbere, cum fratribus pacem habere,

nec quemquam de membris suis discerpere, nullum damnare nisi comprobatum, nullum excommunicare nisi discussum. Quique ita humilitate pariter, & auctoritate præesse debet, vt neque per nimiam humilitatem suam subditorum vitia convalescere faciat, neque per immoderantiam, severitatis potestatem exerceat, sed tantò cautiùs erga commissos sibi, quãtò duriùs à Christo indagari formidat.

℞. In medio Ecclesiæ aperuit os eius: * Et implevit eum Dominus spiritu sapientiæ, & intellectus.

ꝑ. Jucunditatem, & exultationem thesaurizavit super eum. Et implevit.

Lectio ix.

Tenebit quoque illam supereminentem

rem donis omnibus charitatem, sinè qua omnis virtus nihil est. Custos enim castitatis charitas, locus autem huius custodis humilitas. Habebit etiam inter hæc omnia castitatis eminentiam; ita ut mens Christo dedita, ab omni inquinamento carnis sit munda, & libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere Peregrinos, captivos redimere, viduas, ac pupil-

los tueri, pervigilem in cunctis exhibere curam, providentiam habere distributione discreta. In quo etiam Hospitalitas ita erit præcipua, ut omnes cum benignitate, & charitate suscipiat. Si enim omnes fideles illud Evangelicum audire desiderant, Hospes fui, & suscepistis me, quantò magis Episcopus, cuius diversorium cunctorum debet esse receptaculum? Te deum laudamus,

Missæ de communi Doctorum cum Credo,

HIS.

HISPANIARVM.

Ad pias Sereniss. PHILIPPI V. Regis Catho-
 lici preces, nec non enixas, humilesque Eccle-
 siae Hispalensis, aliarumque Ecclesiarum His-
 paniae supplicationes Sa. Mem. Clementi Papa XI.
 porrectas, & ad Sac. Rituum Congregationem re-
 missas, in eaque per Eminentissimum, & Reveren-
 dissimum Cardinalem de Belluga relatas, sacra ea-
 dem Congregatio benignè indulgit, atque concessit,
 ut Officium S. Isidori Episcopi, & Confess. cum Lectio-
 nibus proprijs II. & III. Nocturni diligenter revisis,
 atque correctis iam pro Ecclesia vniuersali sub ritu
 duplici minori approbatum, in posterum ab omnibus
 tam Saecularibus, quam Regularibus vtriusque Se-
 xus, qui ad Horas canonicas tenentur in Regnis His-
 paniarum, alijsque Ditionibus Regi Catholico prædi-
 cto subiectis sub ritu duplici secundæ Classis sine Octa-
 ua recitari, & Missa respectivè de com. Doctorum
 cum Credo celebrari possint, & debeant, si Sanctiss.
 Domino nostro visum fuerit. Die 25. Aprilis 1722.

Et factà de prædictis per me Secretarium eidem
 Sanctissimo Domino nostro relatione, Sanctitas Sua
 benignè annuit. Die, & Anno vt supra.

F. Cardinalis Paulutius Præf.

✠ Locus Sigilli.

N. M. Tedeschi Archiepisc. Apamenus Sac. Rit.
 Congr. Sec.

DIE V. MAIJ.

I,


F,

S,
te-

—

ur-

fu-
im
io-
ili
cū
io-
ca-
rat
en-
tas,
tas,
con-



BA 700
C3630

